



06.10.2022

UKA2022/26

Jens NapâtôK', Naleraq

**Uunga siunnersuut: Kalaallit Nunaanni aalisarnermi pisarineqartut isumalluutini atuinermut akitsuutaat pillugit Inatsisartut inatsisissaattut siunnersuut.**

(Aningaasaqarnermut Naligiissitaanermullu Naalakkersuisoq)

**Siullermeerineq:**

Aningaasanut Inatsisissamut 2022-imut isumaqatigiinniarneq sioqqullugu Naleqqamiit noqqaasutigitimavarput sinerissap qanittuani qaleralinnut akitsuut tamakkiisumik peerneqassasoq.

Taannalu naluneqanngitsituut tusagassiuutit aqqutigalugit ilaatigut toqqammavilersuutiniarneqaralarpoq apeqqusersorniarneqaralarpoq qaleralinnut akitsuutip peerneqarnissaanut taamanikkut Naalakkersuisooqatigisatsinniik, tassalu Inuit Ataqtigiinniit.

Suliap uagut tungitsinniit sakkortuumik noqqaassutigisimavarput soorlu aamma 2018-imi noqqaanerput ilutigalugu 5 %-imiit 4 %-imut appartinnissaa angusaqarfigeriarlugu taamanikkut Naalakkersuisooqatigisatsinniit neriorsorneqarsimagalaratta ukiut tulleriaarlugit ukiumut 1 %-imik apparitortinneqarusaassasoq, tamannalu uggornaraluaqisumik oqaasiinnavoq piviusunnngortinneqarunilu.

Taamaammat taamatut nipeqartumik aaqqiiniarluni aningaasanut inatsisissamut 2022-imut isumaqatigiinniutiginerani siornatigut nalaassimasagut eqqarsaatigalugit piumasaqaatigisimavarput taanna siullertut aaqqiiffiqeqarnissaa qulakkiissasoq piumasaqaaterpassuatta ilagisimavaat.

Nuannaarutigingaakkatsinnik tassa isumaqatigiissutaalluni Naleqqamiit angusaavoq annertoq sinerissap qanittuani qaleralinnut akitsuutip peerneqarnissaa, taannalu maannakkut ataavartunngornissaanik siunnerfeqartumik inissinneq Naleqqamiit pissusissamisoortumik sinerissap qanittuani qaleralinniartunut Naleqqami politikikkut ersarissumik anguniagaqartarnitsinni una angusaqarfigisaasa



# Naleraq

ilagaat taamaammallu tupigusuutineqarsinnaanngilaq tamakkiisumik tapersiilluta inissisimaffigat-sigu sinerissap qanittuani qaleralinnut akitsuusersuisoqannginnissaa aalisartunut.

2022-mut aningaasanut inatsimmut atatillugu sinerissap qanittuani qaleralittanut akitsuutip 0 kr.-mut akiatalu 0 procentianut inissinnissaa aalajangerneqarpoq taannalu Inatsisissatut siunnersuutikut akitsuutit annertussusiisa taamaaginnartinneqarnissaat siunniunneqarpoq, taamaalilluni akitsuutit qaffassanatik tamanna tamakkiisumik taperserlutigu Inatsisssatut siunnersuut taperserlutigu Naleqqamiit taamatut oqaaseqarfigaarput.